



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

De Raptu mulierum. Cap. XXXI.

urn:nbn:de:hbz:466:1-11401

S V M M A R I V M.

- 1 Raptus quando committatur.
- 2 Hoc crimen est mixti fori.
- 3 Raptores qualiter puniantur de iure ciuili.
- 4 Puella semper presumitur decepta.
- 5 In quibus casibus esset poena raptus.
- 6 Qua poena puniatur qui sanctimonialem violare ausus fuerit.
- 7 Raptores de iure canonico qualiter puniantur.
- 8 An valida sint sponsalia contra eam inter Raptorem, & raptam.
- 9 An validum sit matrimonium contractum cum ea, quam quis rapuit causa explenda libidinis.
- 10 Quid si mulier raperet virum.
- 11 An si puella volens pro matrimonio abducitur inuitis parentibus, tale matrimonium sit validum.
- 12 An Raptor sequuto matrimonio euset poenas, & num 13.

C A P. XXXI.

De Raptu mulierum.



Raptus crimen committitur qui mulierem libidinis, aut matrimonij causa de loco ad locum abducit, vt dicunt DD. apud Ricc. in Prax. for. eccles. par. 4. ref. 437. Bonacin. de matr. q. 4. par. 18. nu. 5. & 6. & ideo sine violentia non committitur c. de raptoribus 36. q. 1. sed eximendi ff. Ne quis eum, qui in ins voc. non tamen est ne-

cessaria tota omnino vis, sed sufficit aliqua violentia etiam per solam interpellationem, & suasionem, vt est casus in l. 1. §. fin. vbi Bart. ff. de extraord. crim. Boss. in tit. de Coit. damn. & punib. nu. 66. Nauar. conf. 1. de Raptor. quamquam alij DD. censent, ad hunc effectum requiri dolum, seu preces, aut blandimenta adeo impertuna, vt equiparentur violentia, ita Sanchez. Less. & alij apud Bonacin. loco cit. d. num. 5.

Hoc delictum est mixti fori, quia ab vtraque lege punitur c. 1. & seq. 36. q. 1. §. 7. l. vn. C. de Rapt. Virg. l. Raptores C. de Episc. & cleric. & in auth. de Rapt. mulier.

De iure autem ciuili Raptores Virginum, sanctimonialium, honestarum viduarum, & aliarum mulierum, quae iam nuptae sunt, alijque omnes auxilium, vel fauorem praestantes in ipso raptu, vltimo supplicio afficiuntur, & illorum bona, si sanctimoniales rapuerint, monasterio, alias ipsis mulieribus raptis applicatur: cōscij verò, vel ministri, vel quicunque eis opem tulerint, capitali poenae tantummodo subijciuntur, vt in dictis l. continetur.

Eadem poena capitali puniuntur raptores filiorum, seu filios seducetes a parentibus l. fin. vbi glos. C. ad l. Fab. de Plagiari.

Presumitur autem semper puella decepta, ac dolosis suasionibus, & donis inducta, vt in d. l. vn. C. de Rapt. Virg.

Limita I. in raptu foeminae impudicae, tunc enim non punitur poena d. l. vn. sed arbitraria, nisi for-

fortè relicta meretricia turpitudine honestè vivat *Bart. in l. vñ est num. 3. ff. de furt. Syll. in ver. luxuria num. 6. Ricc. in Prax. for. eccles. par. 4. ref. 440. & in collect. dec. 82. par. 1. & alij DD. relati in Syn-tag. opin. comm. tit. de Rapt. Virg. c. 2. & 3. & apud Clar. in d. S. raptus vers. quæro numquid.*

Limita 2: quando verè constaret, mulierem nulla arte, seu sollicitatione, aut suasionè, sed sua libera volùtate recessisse è domo cum Amasio, quia hoc casu non puniretur vir pœna ordinaria d. l. vñ: etiam si parentes essent inuiti, sed alia graui arbitrio Iudicis scudum *Boss. in tit. de rapt. mulier. num. 7. ubi citat Bald. in d. l. vñ. vers. vlt. et alij C. de Rapt. Virg. & hanc sententiã sequitur Ricc. in Prax. for. eccles. par. 4. resolutione 438.*

Sed contrarium est de iure veterius: tales enim delinquentes puniuntur pœna ordinaria, siue spõte mulieres cum eis discesserint, siue inuite d. l. raptores in fin. C. de Episc. & Cler. d. l. vñ. C. de rapt. Virg. & est communis opinio, vt d. Clar. in d. S. raptus vers. adde quod pœna.

Limita 3. vbi copula cum rapta sequuta non fuerit, tunc enim raptor non pœna ordinaria, sed alia graui Iudicis arbitrio est puniendus, tum quia ita colligitur ex d. l. vñ. ubi, maximè cum virginitas, vel castitas corrupta restitui non possit; & ideo videtur legislator respexisse ad copulam inter raptorem, & raptam: tum etiam quia tale delictum absque

copula carnali non videtur consummatum *Boer. decis. 316. post n. 4. Io. de Ana. in cap. cum causa in fin. de Rapt. quos refert, & sequitur Ricc. in Prax. for. eccles. par. 4. ref. 451. & in collect. decif. 82. par. 1. vbi etiam dicit, hoc procedere, etiam si raptor raptam non cognouerit, quia id commodè facere non potuit, quicquid in contrarium dicat glos. in l. si quis non dicam rapere ver. si quis C. de Episc. & cler. Clar. in d. S. raptus vers. sed quid Boss. d. tit. de Rapt. mulier. num. 14. & alij.*

Quæres, qua pena puniatur qui matrimoniale violare ausus fuerit? Resp. quod punitur pœna capitali etiam si delictum hoc tantum attentauerit l. si quis non dicam rapere C. de Episc. & cler.

De iure verò canonico pro crimine raptus laici excommunicantur: clerici verò deponuntur c. 1. & seq. 36. q. 2. sed hodiè tria pœnarum genera constituta sunt contra raptores: primò enim raptor & omnes consilium, auxilium, & fauorem præbentes sunt ipso iure excommunicati, perpetuò infames, omniumque dignitatum incapaces: & si clerici fuerint, de proprio gradu decidunt.

Secundò raptor, siue matrimonium contrahat, siue non, tenetur raptam decenter arbitrio Iudicis dotare.

Tertiò inualidum est matrimonium celebratum inter raptorem & raptam, quamdiu ipsa in potestate Raptoris manserit, etiam si liberè consentiat, ita *Conc. Trident. sess. 24. de refic. cap. 6.*

- 8 Ex quo obseruant Doctores, 11 Obseruant 4. in dicto decreto quod cum per sacrum Concilium annulletur matrimonium, etiam sponsalia in tali casu erunt inuallida: quando enim aliquid prohibetur, id etiam censetur prohibitum, per quod peruenitur ad illud *l. oratio vbi Bald. ff. de sponsal. Nau. cons. 4. de Raptor. Ricc. in Prax. for. eccles. par. 4. ref. 454. & ita declarasse Sac. congregat. dicit Bonacin. de matrim. q. 4. puni. 18. numero 10.*
- 9 Obseruant 2. validum esse matrimonium contractum cum ea, quam quis rapuit causa explenda libidinis: putant enim sub dicto decreto Concilij *sess. 24. cap. 6.* solum comprehendi raptum, qui fit causa contrahendi matrimonij, non autem ad exercendam libidinem, ita *Sanct. tom. 2. lib. 7. disp. 13. nu. 4. Coninch. de Sacram. disp. 31. dub. 4. num. 48. quos refert, & sequitur Diu. par. 3. tr. 4. resolutione 261.*
- 10 Obseruant 3. penas in d. decreto Concilij contentas non habere locum, vbi mulier raperet virum, ita *Bonacin. de matrim. q. 4. puni. 18. num. 7. & alij: Vnde in tali casu non impeditur matrimonium vigore eiusdem Concilij d. cap. 6. resoluit Ricc. in Prax. p. 4. ref. 452. vbi citat Farinac. Sush. Ledesin. & alios. quemadmodum neq. pena d. l. vn. C. de Rapt. Virg. locum habent in muliere rapiente virum causa libidinis, quæ in tali casu punienda est alia grauius citra mortem pena arbitrio Iudicis *Clar. in d. Raptus vers. sed pone & alij communiter.**
- 11 Obseruant 4. in dicto decreto Concilij solum eam raptus speciem puniri, per quem vis inferatur puella, non autem parentibus: ex quo arguunt, quod si illa volens pro matrimonio abducitur etiam inuitis parentibus, tale matrimonium validum erit *iuxta cap. cum causa de raptor. putant enim, quod Concilium ibi voluit tantum succurrere libertati matrimonij, nè mulier inuita illud contrahere cogatur sed hoc non accidit, quando illa consentit, ita Sanct. vbi supra nu. 3. Coninch. loco cit. Filiuc. to. 1. tract. 10. par. 2. cap. 8. num. 265. quos refert Dian. d. par. 3. tr. 4. ref. 261. Ricc. in Prax. for. eccles. par. 4. ref. 438. in fin. & alij apud Barbof. in d. cap. cum causa num. 3.*
- Alij verò id admittunt, quando mulier spontè, vel precibus non adeò importunis discedit cum Amatore inscijs parentibus, quia tunc nulli vis inferatur, & ideo nõ dicitur raptus, sed potius fuga voluntaria; secus si discedat inuitis parentibus, quia tunc illis vis fieri dicitur, quamuis puella consentiat: Vnde in hoc casu dari verum raptum, & in eo procedere dispositionem Concilij Tridentini loco cit. resoluit *Nau. cons. 2. de Raptor. Barbof. in d. cap. cum causa num. 3. eod. tit. vbi citat Henric. in sum. lib. 12. cap. 14. num. 4. Rebell. de obligat. iust. par. 2. lib. 3. q. 11. nu. 6. Farin. in Prax. crimin. p. 5. q. 145. n. 221. & alios, quorum sententiæ videtur fauere *text. in cap. cum nullus 36. q. 2. c. oñ secundū de Heret. in sexto S. Th. 2. 2. q. 154. art. 7.**

12. Observant 5. quod licet subsequatur matrimonium, remanet tamen poena infamiae, excommunicationis, & incapacitatis ad dignitates per Tridentinum infligta, quae cum non requirat aliquam actionem ad sui executionem, ipso facto incurritur etiam ante Iudicis sententiam *Nau. cōf. 3. num. 5. de Raptor. Bonacin. de Matrim. q. 4. pun. 18. num. 10.* quemadmodum Raptor tenetur etiam in tali casu raptam dotare arbitrio Iudicis ex dispositione eiusdem Concilij *d. cap. 6.* quamvis ad id non teneatur, nisi fuerit condemnatus *Nau. in man. cap. 16. nu. 17. Bonacin. loco cit. num. 10. vers. secunda est.*

13. Quæres, an Raptor sequuto matrimonio euitet alias poenas à iure infligtas? Respondet Ricc. in *Collect. dec. 82. par. 1.* quod Raptor matrimonium contrahens cum rapta non euitat poenas à lege ciuili propter raptum impostas: & hæc sententia mihi videtur verior in puncto iuris, quia *textus in d. l. vn. C. de Rapt. Virg.* expressè prohibet matrimonium inter raptorem, & raptam, licet correctus fuerit per ius Canonicum *in cap. fin. de Raptor. & Conc. Tridentinum loco cit.*

Hæc tamen opinio in tali casu non seruatur in praxi, *vt d. Boss. in tit. de Rapt. mulier. num. 18.* & ideo alij asserunt, Raptorem tunc non esse puniendum poena corporali, sed confiscatione bonorum, *ita Clar. in §. Raptus vers. quero modo E. Suar. relatus in Syntag. opin. comm. tit. de Rapt. Virg. c. 1. vers. 12.*

Alij verò dicunt, quod matrimonium omnem poenam tollit, & quod in hoc attendi debet ius canonicum, quod potuit mitigare poenam, *ita DD. quos refert, & sequitur Boss. loco cit.* & hæc sententia benignior quidem est, & ideo in praxi seruanda, dummodò precesserit tractatus de nuptijs, vel sponsalia, & puellæ consensus in matrimonium: tunc enim huiusmodi raptus non punitur de iure canonico, *vt in d. cap. cum causa ubi DD. de Raptor. sequuto tamè matrimonio, vt supra Ricc. in Collect. dec. 539. par. 3.* & in hoc corrigitur *d. lex. vn. C. de Rapt. Virg.* quo casu ius canonicum matrimonij libertati consuluit; quia aliquando in domo Parentum liberè contrahi non potest, *vt d. Sylu. in ver. luxuria num. 6.*

S V M M A R I V M.

1. Crimen Abortus est mixti fori.
2. Delinquens in tali casu qualiter puniatur.
Clericus huius criminis reus an teneatur ante Iudicis sententiã dimittere officia, seu beneficia, *ibidem.*
3. Quando dicatur fetus animatus.
4. Anima quando censetur infusa.

CAP.